

Uwe Kitzinger CBE – govor

Poštovani gradonačelnice, ekscelencije, prijatelji,

Nagrade *Duško Kondor* slave ljubav prema životu i integritetu čovjeka kojeg smo upravo vidjeli na filmu, a koji je hladnokrvno ubijen prije pet godina.

Ali ove nagrade imaju dalekosežnije ciljeve.

-----PAUZA

Drugo, one su sumoran podsjetnik velikog broja stradanja u ovoj regiji ne samo u ratu već i u ovom nesigurnom poslijeratnom periodu u koji smo se danas duboko zaglibili, sa velikim brojem zločinaca još uvijek na slobodi, još uvijek nekažnjenih i još uvijek aktivnih.

-----PAUZA

Treće, one proslavljaju moralne heroje koji su imali građansku hrabrost da se suprotstave ratnoj propagandi i rasističkoj histeriji koja je uhvatila mase prije dvije decenije.

Heroje koje ćemo poslije vidjeti na filmu a neke od njih i lično pozdraviti.

-----PAUZA

Na ovu dvadesetu godišnjicu, odajemo počast hiljadama građana Sarajeva koji su ostali u gradu, neki se čak i vratili, suočavajući se sa nedaćama, stresovima

i fizičkim opasnostima, koji su poginuli ili su ranjeni, koji su spašavali povrijeđene, koji su dijelili onoliko koliko su imali, koji su se šalili i pisali muziku kako bi, u sveopćem haosu svuda unaokolo, održali stoljećima staru civilizaciju harmonije vašeg grada.

-----PAUZA

Posthumno odajemo počast Nedeljku Neđi Galiću, koji je smislio način za oslobođenje preko hiljadu nevinih zatvorenika u logoru Heliodrom i njihovo slanje na sigurno u inostranstvo.

-----PAUZA

Odajemo počast Matiji Steviću, koji je spasio, zaštitio i osigurao razmjenu žena i djece progonjenih zbog njihove vjere, napisao priručnik *Pravila ponašanja vojske u ratu* i objavio javno izvinjenje građanima Brčkog muslimanske vjeroispovjesti za ono što im je napravljeno.

-----PAUZA

Odajemo počast Budimiru Budi Koprivici, koji je u Mostaru rizikovao život kako bi zaštitio svoje susjede i njihovu imovinu u opasnosti.

-----PAUZA

Odajemo počast Viktoru Ivančiću, koji je postao glavni urednik nedjeljnika *Feral Tribune*, kako bi osudio nasilje, objelodanio zločine i u ratu i u miru i,

uprkos neprestanim zastrašivanjima, neustrašivo govorio istinu pred moćnicima.

-----PAUZA

Niko od nas ne može znati da li bismo mi imali petlju rizikovati svoj vlastiti život za svoje susjede, kao što su to oni činili.

Niko od nas u srcu ne može dokazati da imamo pravo danas sjediti na ovoj pozornici sa takvim ljudima.

-----PAUZA

Iznad svega, ove nagrade primjerom pokazuju da, kada dođe taj trenutak, svako od nas ima izbor.

Izbor da se potčini nasilnicima, pridruži gomili, bude nemoćni posmatrač ili, na drugoj strani, kao oni, da rizikuje svoj ugled, posao, porodicu i zdravlje kako bi potvrdio svoj integritet i prikupio hrabrost da se digne, ako je potrebno, i sam.